

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1341 del 15/05/2026

Manà fora su Trentino Tv l program l vegn endrezà dal Comun General de Fascia

“Pedies” : con en sabeda ai 16 de mé vegn fora la puntata #538 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 538. I argomenc de chesta puntata l é la rampinèda sportiva te Fascia te palestra ADEL a Ciampedel, la prejentazion del liber “Flora de Fascia” e la raida a Soraga per cognoscer la toponomastica di paijes – evenc tel chèder de l’Aisciuda Ladina – e la neva puntata de “PIATES: chel liber sun scancia” col liber “Bel paese brutta gente” de Claus Gatterer.

A Ciampedel l é na palestra moderna per la rampinèda sportiva, la ADEL, dedichèda ai socoridores Alessandro, Diego, Erwin e Luca che del 2009 i é morc te val Lasties, che la é gestida da la sociazion val di Fassa Climbing. Chesta sociazion la se dèsc ju per ge fèr cognoscer a semper più jent la rampinèda e la colaborea col Socors da mont, i Ciamorces de Fasha, l CAI SAT e i menacrepes de val per endrezèr evenc e scomenzadives.

Tel chèder de l’Aisciuda ladina, festival del lengaz, endrezà vigni an dal Comun General de Fascia co l’Union di Ladins de Fascia, la scola ladina de Fascia e l Istitut cultural ladin - Majon di fascegn l é stat enstadì doi evenc che reiona de ambient e toponomastica: la prejentazion del liber “Flora de Fascia” publicà da l’Union di ladins e la raida a Soraga col menatroes Giuliano Pederiva per cognoscer toponimes e curiositèdes de lesc mingol desmentié.

Per la rubrica “PIATES: chel liber sun scancia” olache vegn portà dant libres e publicazions per cognoscer argomenc curiosc e desferenc, te chesta puntata Maria Piccolin, che per n muie de egn l’ à ret la biblioteca de Moena, la reiona del liber “Bel paese brutta gente” del scrittor del Südtirol Claus Gatterer che conta de sia vita e soraldut de sia esperienzes vivudes anter la doi veres sot l fascism.

I reports de chesta setemèna i é stac enjigné e porté dant da Riccardo Zanoner e Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program l va fora ence su **AltoAdige TV – canal 11 Prov. de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

La puntata de chesta setemèna la vegnarà fora entorn la medema ora de la televizion.

Se pel veder i report un a un su la piata Facebook de TV Ladina.

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)